

愛日精廬藏書志

愛日精廬藏書志卷二十一

子部

雜家類

續談助五卷

茶夢主人手鉛本

錢選王藏書

晁伯宇

名編

凡十洲記洞冥記琵琶錄北道刊誤志

乘輶錄文武兩朝獻替記牛羊日厯聖宋掇遺沂公筆錄
竹譜箭譜硯錄三水小牘漢武故事漢武內傳殷芸小說

大業雜記營造法式綠珠傳膳夫經手錄合二十種每種
後俱有跋是書無撰人名氏惟於乘輶錄牛羊日厯漢武
內傳營造法式跋中知爲伯宇所編耳又惟於十洲記跋
中知伯字爲崇甯時人曾權陳留縣尉耳若伯宇之爲名

爲字及其姓氏爵里則均無可考矣所採如北道刊誤志
大業雜記琵琶錄乘輶錄等書今皆失傳其存於今者如
十洲記洞冥記漢武內傳漢武故事之類亦多與今本不
同俱足以資考訂文淵閣書目著錄列之古今志中殆以
開卷係十洲記故誤以爲地志歟

續案西溪叢語引晁伯字談助云宋史藝文志晁氏談
助一卷郡齋讀書志載封丘集二十卷云世父封丘府君
諱某字伯字官封丘丞

右鈔世所傳漢太中大夫東方朔所撰海內十洲記朔之
自序其畧曰漢武帝既聞王母言八方巨海之中有十洲
始知朔非世俗庸人是以延之曲室而親問十洲所在朔

云臣學伯者耳非得道之人有國家之盛美將招儒墨於
名教之內抑絕俗之道於虛誕之迹臣故韜隱逸而赴王
庭歲養生而侍朱闕矣曾隨師主履行北至朱陵扶桑蜃
海冥夜之丘純陽之陵始青之下月宮之淵內游七丘中
旋十洲踐赤懸而遨五岳行波澤而息名山臣自少及今
周流六天所陟天光極於是耳未若凌虛之子飛真之官
上下九天洞視百方北極鉤陳而并華蓋南翔大丹而西
掖大夏東之通陽之務西薄寒穴之野日月所不逮星漠
所不與其上無復物其下無復底臣所識安及於是媿不
足以疇廣妨矣按朔雖多怪誕詆歎然不至於著書妄言
若此之甚疑後人借朔以求信耳然李善注文選郭景純

遊仙詩已云東方朔十洲記曰臣故韜隱逸而赴王庭藏

養生而侍朱門矣則此書亦近古所傳也

景純游仙詩日
朱門何足樂未

若託達善之注如此其後又曰圓丘有奇草綠出靈

液善之流日東方朔十洲記言北海外有蓮山自生于歲

芝及神草靈文謂玉青之屬也若景純所

言果以此則此書誠出于晉魏之前矣

至其載月支使

者謂武帝曰臣今日仰鑒天姿亦乃非有道之君也眼多

貪則貪忍口多言則犯難身多動則淫貪心多節則奢侈

未有別此四多而成天下之治也其言亦誠可錄故廣鈔

之崇甯五年歲在丙戌七月二日記時年四十一權陳留

縣尉捕劇賊于故精法雲寺

右鈔郭子橫所撰漢武帝別國洞冥記子橫之論以爲漢

武明特雋異之主東方朔因滑稽諷諭以匡諫洞心於道

教使冥跡之與昭然顯著故譏記名之洞冥而張東之言
隨其父在江南拜父友孫義強李知續二公言似非子橫
所錄其父乃言後梁尚書蔡天寶與岳陽王啟稱湘東昔
造洞冥記一卷卽洞冥記梁元帝時所作其後上官儀應
詔詩中用彭娥池學士時無知者祭酒彭陽公令狐德棻
召東之等十餘人問此出何書東之對在江南見洞冥記
云漢武緣影娥池於望鶴臺西於是天下學徒無不繕寫
而尋劉歆阮籍七錄了無題目貞觀中撰文思博要藝文
類聚紫臺丹筠之秘罔不咸集亦無採掇則此書偽起江
左行於永禎明矣昔葛洪造漢武內傳西京雜記虞義造
王子年拾遺錄王儉造漢武故事並操觚鑒空悠情迂誕

而學者耽閑以廣聞見亦各其志庸何傷乎按東之所稱
湘東所造洞冥記一卷而此分爲四然則此書亦未知定
何人所撰也又此書記曼倩父張氏而王充論衡道虛篇
復言朔姓金氏神仙道家之言其荒誕外錯類皆如此故
并鈔之以廣聞見且使後生知雜家小說爲不足多尚此
余之志也

右廣鈔唐國子司業段安節琵琶錄安節文昌孫成式子
中爲司業善樂律能度曲故今錄特詳舊史言成
式好七徵時達酉陽雜俎紀麅鶴事最多而安節以善樂
律錄琵琶又詳術固不可不慎也七月二十三日陳留崇

右鈔熙甯四年集賢王

君玉校

所纂集北道刊誤志時

大河自瀘州東南流今河徙逕遼客者自滑由磁州邱趙至于灤莫矣蓋此書本以備迎送北客問答之間聞君玉

之子仲萼今續成其書矣未之見也

按錄是歲振發詔充契丹國主生辰使故其錄如此契丹今改其國號大遼見宋使無常處不皆在中京也自虎北口以南皆漢唐故地因續鈔之以備他日遼人歸我幽薊輿地之考崇甯五年歲次丙戌八月三日壬戌陳留縣故牆法雲寺伯宇記

右鈔李德裕文武兩朝獻替記其已爲史官所取與挾黨情者皆畧之

右鈔大和九年秋季牛羊一作牛一作牛日曆其後有檀欒子皇甫
松續記云太牢作周泰行祀呼德宗爲沈婆兒謂睿真皇
后爲沈婆此乃無君甚矣承和公私之事必啟太牢而後
行世傳太牢父事承和諸續又父事叔康乃好事之說過
其實也八日陳留崇甯監伯宇記

右鈔聖宋掇遺其首云天聖紀元甲子秋八月哉生明海
曉序而不書姓名當問於知之著

右沂公筆錄一卷三十一事特鈔其九沂公姓王氏名曾
青社人世所謂青州王相公也

右鈔武昌戴凱之所撰竹譜而率爲韻語舊於竹譜下注
云并序而無之又其文脫錯殆不可讀故鈔之特畧八月

己卯記

右鈔沙門贊甯所作箇譜其僞謬亦多故妙之亦略庚辰
陳留淨土院記

右鈔本朝北海郡侯唐詢所編硯錄詢字彥猷善書札其
第現以紅絲爲首蓋詢嘗自造青州益都縣石工蘇懷玉
者采石於黑山之頭懷玉以爲洞穴深險相傳云紅絲石
去洞口 有刻字乃唐中和年采石者所記竟不知取
之何用迄今二百餘年人不復有至者懷玉獨與詢所遺
白真往六七日得石廣四五寸者二錠以爲硯自嘉祐六
年辛丑夏四月至癸卯春三月歷二年凡工人數十往得
硯大小餘五十工人告以洞門巨石摧掩不可復入石遂

絕其後得之者皆洞外黃赤之石一耳五寸硯流落人間者絕少詢自以紅絲石發之自我又人不能徧見品第之故以其私意置之第一余嘗於世父秘閣院見所謂紅絲者其理太細麻之拒壘但可研雌黃朱粉色亦不甚紅豈所謂洞外黃赤之石者耶不然詢以世所罕見者爲錄以欺後人哉

右鈔安定皇甫枚所編三水小牘枚自言天祐庚午歲寓食汾晉爲此書三水安定郡地名枚安定人故云其末云三水人達美蓋其字也枚又言外王父中書令晉國公宣宗朝再啟黃閣蓋謂白敏中其書卑腳大花鵠吹刺客李翹壽事無甚異且慮出自白氏之私故不鈔

右鈔世所傳班固所撰漢武故事其事與漢書時相出入而文不逮疑非固所撰也武帝以雄才大畧不肯安於守文汲黯之言是矣雖其將死之言然自謂所爲狂敷又言仙人盡妖耳節食服藥差可少病而史亦載輪臺哀痛之詔蓋亦偉丈夫所爲也與其終身不悟若唐憲宗以金丹被弑者有間矣辛巳淨土北窓燭下記

右鈔世所傳漢孝武皇帝內傳其言淺陋又什有五六皆增贅漢武故事與十洲記其上卷之末有云右從淮南王至稷丘君凡八事附之案神仙傳淮南仙事的指又不出八公定何姓氏據劉根真人傳潁川掾吏王珍問劉君曰聞神丹不可倉卒求不審草木藥何者爲良君曰昔淮南八

方一云公各服一物以得數百歲而命神丹而昇天太清
韓眾服葛蒲趙他子服桂衍門子服五味子姜門子服地
黃林子明服石韋杜子微服天門冬任子季服伏苓陽子
仲服遠志此諸君並已登真降授淮南王道成能變化自
在并此故事仙昇定矣今因此傳末非人公所氏以明之
焉予以唐天寶五載景戌歲十月十五日終南山居元都
舊壇大洞道士王遊巖緒附之矣其言鄙俗其文脫錯至
此然則此書遊巖之徒所撰也癸未伯字記

古鈔殷芸小說其書載自秦漢迄東晉江左人物雖與諸
史時有異同然皆細事史官所宜畧又多取劉義慶世說
詩林志怪等已詳事故鈔之特略然其目小說則宜爾也

至於目若巖電事或云裴令公姿容爽健疾困武帝使王夷甫往看之裴先向壁卧問王來強迴視之夷甫出語人曰雙眸爛爛如巖下電精神挺動故有小惡耳出世說或云裴令公目王安豐眼爛爛如巖下電出晉書林俱收並錄並無考則其書亦可下闕

右鈔崇甯二年正月通直郎試將作少監李誠所編營造法式其宮殿佛道龕帳非常所用者皆不敢取五年十一月二十三日潤州通判廳西樓北齋伯字記時蔡晉如通判潤州事

右鈔直史館樂史所撰綠珠傳史猶精地理學故此傳推考山水爲詳又皆出於地志雜書者也二十六日西樓北

右鈔唐巢縣令楊曉所撰膳夫經手錄大中十年六月成書迄今二百餘年矣其間如茶目飲食之類茗齋之類別抄皆與

今不同以此知古今之事異宜者多矣必曰井田肉刑邊

豆而飲食者非通之論也臘月八日西樓記

續談助五卷宋刻本爲故友秀水令江陰徐君子寅家藏子寅沒後其家人售于秦汝立氏汝立迺余門人汝操之弟青年癖古儲蓄甚富亦友于余假而手錄閱三踰月始訖事惜乎斷簡缺文未敢謬補藏之茶夢閣以俟善本云

嘉靖壬戌之秋八月二日皇山人姚咨識時年六十有八

糾珠集十三卷

明天順刊本

不著撰人名氏

紺珠之集不知起自何代試嘗仰觀乎天文俯察乎地理凡可以備致用者雜出於諸子百家之說枝分派別原始要終粲然靡所不載誠有益於後學然珠之爲物生於淵而岸不枯固寶之矣是珠也其色紺然異乎夜光之類特取其文焜耀而已凡人之思慮有爲物所蔽而昏昧者取其珠而玩之則了然心悟决然冰釋回足以開窗明備記遺忘豈小補哉學者於此能勦而熟攬之亦若提珠在手歷歷無忘其所能雖相去千百歲之久可以坐見其創述之末則要括倫類蓋無餘蘊矣以是而名其帙不亦宜乎建陽詹公寺丞出鎮臨汀僕幸登其門一日出示茲集俾之校勘訛舛將命工鏤板以廣其傳僕因得以詳究焉增

益其所未能所得多矣樹子不云乎侍君子晦斯光窒斯
通其是之謂歟紹興丁巳中元日左承直郎全州灌陽縣
令王宗哲謹序

賀榮重刊序

天順庚辰

重校類說五十卷

舊抄本
秦百巖藏書

曾慥撰 卷首有西巖山人印記

小道可觀聖人之訓也余嘗寓銀峯居多暇日因集百家
之說採摭事實編纂成書分五十卷名曰類說可以資治
體助名教供談笑廣見聞如嗜常珍不廢異饌下飭之處
水陸具陳矣覽者其詳擇焉紹興六年四月望日溫陵曾

慥引

前言往行君子貴於多識稗官小說良史列之九流會公所編類說蓋此意也余舊藏麻沙書市紹興庚申年所刊本字小而刻畫不精且多舛誤意必有續刊大字善本分符來此徧令搜訪咸無焉併板亦不存矣因取所藏舊本稍加是正鋟板于郡齋庶可壽此書博士或有志於聖門友多聞之訓當謂不爲無補寶慶丙戌八月初吉古杭葉

皆書于建安堂

類說殘本 宋刊本 沈古闕藏書

同上 不分卷存仇池筆記隱齋閒覽東軒筆錄三種每頁二十行行十六字殆卽葉皆所稱紹興小字本歟案自序編纂成書下直接名曰類說無分五十卷四字則體之

原本本不分卷此汲古閣秘本書目所以有真本之稱也

卷首有毛晉印記

自序

皇朝類苑六十三卷

舊抄本

江少虞撰

古之史者載籍博其所表見皆不虛譽其軼乃時時見於他說不可不知也太史公網羅天下放失舊聞至於分散數家之事則甚多踈畧後世猶或非之然則自漢以來千有餘歲君臣善惡治亂之外紛紛籍籍日有日繁使論著之人隨世裏授有所未盡况軼入他說者歷年浸久疏殘之餘不少槩見則史失其傳矣史冊所無有學者不道

也錯亂磨滅不可復知者可勝計耶我宋聖典聖神克繼
二百年太平憲物容典踵古治而增華未有輯熙炳煥可
考如今者也不刊信史誠足以表藪萬代然而秘省遂嚴
非外學所得見若其遺文逸說事美一時語流于藏者指
紳先生尙能言之往往皆前日今世巨公名卿老師宿儒
以其所接於耳目可以警憲于世者筆之載錄傳紀無慮
數十家嘗惜其畔散不屬難以稽考義因餘暇備極討論
自一詁一言皆比附俗類而整齊之去其文不雅馴或有
牴牾者自餘據實條次不敢以一字增損總凡會目今爲
一書名曰皇宋事實類苑聖謨神訓朝事典物與夫勲名
賢達前言往行藝術仙釋神怪之事夷狄風俗之殊縑悉

備有釐爲二十八門選義按部考詞就班如出一家語不
待旁搜遠覽而太平遺逸之美麗具在足以觀見當時風
議庶幾乎尙有典刑哉此學士大夫之所欲聞亦喜傳而
樂道也深媿識見淺陋擇焉不精取焉不詳故於每門之
末不敢斷意訖詞篇篇存之將以有望於後之君子云紹
興十五年五月十七日謹序

少虞自幼喜雜覽家居摘諸史雜史關於風化者纂成此
篇題曰皇宋事實類苑始於太祖宋聖訓終於風土雜
志總六十三卷少虞不敏何敢爲著述但傳舊而已考之
歲月越十四寒暑更俟博洽君子訂焉紹興戊寅九月日

皇朝仕學規範四十卷

明列本

張繼撰

士大夫多徵天資至錯諸行事往往鮮合中道才非不逮
微法度也前言往行可徵可師佩服弗替如循三尺則幼
學壯行焉往而不中節藐前修爲易與肆吾意之所嚮跌
宕乖盪漫亡據依幸而誕誕亡聞人猶以不能恕其如得
聲名處貴顯有識將起賢者過之之歎斥規矩以覩全材
屏範模而良器是圖世固無若事也仰惟熙朝累聖續承
一以姬孔道學造天下士名公碩儒間風作典步武相關
其大者功烈在天銘在鼎彝誠未易闕測至如問學之困
深操行之端方政事之精醇與夫陰功隱德奇辭與論流

播簡冊者皆足以擅稱一時論憲百世鑑天資庸樸粗知
讀書日思致滌膏梁之習以從賢士大夫後是以窮寐前
哲採摭舊聞凡言動舉措粹然中道可按爲法程者悉派
分鱗次萃爲鉅編以便省閱夫致知必繇學故先之以爲
學學行之上也故次之行己行已有餘斯可推以及人故
次之以蒞官爲政莫如德故次之以陰德有德者必有言
故以詩文終焉謂其皆可爲終身法遂目之曰皇朝仕學
規範且析爲四十卷庶幾口誅心惟趣向弗譎昭然中庸
大學之可歎儼乎正人端士之在左右也傳不云乎過者
俯而就不至者跂而及僕方用是目警亦願與同志共之

淳熙歲丙申四月秦川張茲時可序

右雜纂

愛日精廬藏書志卷二十五

纂

愛日精廬藏書志卷二十六

子部

類書類

北堂書鈔一百六十卷

舊抄本

言林亭藏書

圖秘書耶虞世南撰 此本係永興原本未經陳氏增刪
竄亂者分甲乙丙丁戊己庚辛壬癸十冊卷一百三十九
車總裁篇卷一百五十八至一百六十穴泥沙石四篇俱
係大字無注與全書異陳氏改從一例立題分注遂使原
本面目不復可識且所增補或羼入五代十國事更失限
斷藏書家每以不得一觀原書爲恨今細核陳氏之書大
約原書所引之句與題不甚協者則刪絕無文義可通者

則刪其書人人習讀無所用注者則刪其書世無傳本不復可校者則刪或改引他書如謝承袁山松等後漢書則改引范蔚宗書十八家晉書則改引房元齡書是也有原本正文而改作小注者有原本小注而改作正文者有陳氏所增而未注補字者有原書所有陳氏稍加增改而注補字者攬亂刪改不可枚舉讀書敏求記云今行北堂書鈔爲吾鄉陳抱中所刻攬亂增改借無從訂正聞嘉禾收藏家有原書鬼訪十餘年而始得朱氏竹垞大唐類要跋云書買有以大唐類要求售者反覆觀之卽北堂書鈔也今世所行出常熟陳禹謨刪補盡失其舊儲書者多藏之

欽定四庫全書總目云北堂書鈔明陳禹模校刻明人好增刪
古書逞臆私改其庸妄無識誠有如錢朱二氏所識然今
嘉禾舊本及大唐類要均已不可得見獨禹謨此本猶存
其增加各條幸皆注明補字猶有蹤跡可尋惟其所改所
刪遂竟不可考是則刊刻之功不贖其鬻亂之過矣蓋是
書自

國初已極貴重今又更百七十年日久日微幾成斷種合浦
之珠豐城之刦不足比其珍貴也前有郡齋讀書志等四
則後題嘉靖丙午六月十二日五川居士在萬卷樓記蓋
從楊夢羽藏本傳錄者

唐太子率更令宏文館學士渤海男歐陽詢撰 金吾藏
藝文類聚凡三本一小字本每頁二十八行二十三字一蘭雪堂活
字本一聞人詮刊本馮氏已著據宋刊木手校卽是本也
三本中以是本爲最善

自序

胡續宗錢梓序

陸采跋

嘉靖戊子

馮氏手跋曰嚴丙子閩人劉履丁贈錢宗伯牧齋以宋刻
藝文子從牧翁借校此本始于丁丑之四月畢于六月之
十七日是年閏五月蓋百日而終卷也劉本正是此本之
祖中有模糊缺失處無不因襲始知陸采所云刪半之說

謂也卷末有葫蘆碧沙印又舊學圖書四字方印未知何家物也屏守居士記

又曰崇禎丁丑借錢宗伯牧齋宋本校過與此本正同刻半之說妄也此書似非全書但宋時已止存此想世無完本矣馮己著書

錢氏手跋曰陸采云刻其半以示存羊意謂胡可泉刻成此書後俗人欲焚此板今刻去以示不忍之意非謂此書之不全也附記于此馮先生必以爲然求赤漫識

太平御覽一千卷

舊抄本

翰林學士承旨正奉大夫守工部尙書知制誥上柱國

隴西縣開國伯食邑七百戶賜紫金魚袋臣李昉等奉敕

纂

蒲叔獻重刊跋

慶元五年

李延尤跋

太平御覽殘本六卷

朱刻本

同上 存卷二百一至二百五又二百十一凡六卷每葉
二十六行行二十二字吳門周氏藏明文淵閣殘宋本三
百六十六卷自一百七十二卷至二百卷又自二百十二
卷至三百六十八卷共二百零一至二百十一適闕此本
二百零六至二百十以舊抄本補與宋刻本合釘一本或

卽明文淵閣故物歟

新刊監本冊府元龜一千卷

舊抄本

推忠協謀同德守正佐理功臣樞密使特進行吏部尚書檢校太尉同中書門下平章事修國史上柱國太原郡開國公食邑七千戶食實封二千八百戶臣王欽若等舉勅纂標題與北宋本同蓋從北宋本傳錄者闕卷三十四又四十至五十一八百四十九至八百六十五共三十卷

新刊監本冊府元龜殘本九卷

北宋刊本

同上 原一千卷今存卷一百四十九至二百五十四又二百六十二二百六十二二百七十六凡九卷鈐宋璽二曰御府圖書曰緝熙殿寶鈐則鑒一曰文淵閣印蓋宋明兩朝內府舊藏本也明中葉以後文淵閣書漸次散失是

數卷者歸汲古閣毛氏列之秘本書日年更二百尋易數
主故物依然仍歸吾邑謂非有神物護持不至此每頁二
十六行行二十四字

冊府元龜殘本四百八十三卷

南宋刊本

同上 此南宋重刊本也每頁二十八行行二十四字存
卷一百二十九至一百六十六一百七十一至一百八十
一百八十二至二百四五百五至五百三十八五百四十
二至五百六十五五百六十七至五百七十七五百八十一
三至五百九十九六百四至六百五六百八至六百六十
六百六十六至七百一七百六至七百八七百十七至七
百二十七百二十六至七百三十二七百三十七至七百

三十九七百四十二至七百五十六七百六十一至七百九十一七百九十六至八百八百三至八百六八百十一至八百十二八百十五至八百六十五八百七十六至九百九百六至九百三十三九百三十六至九百三十八九百四十至九百四十二九百四十四至九百四十七九百五十至九百五十六九百六十七至一千共四百八十三卷

事物紀原集類二十卷

後宋本

致爽閣藏書

高承撰 明刊本十卷
校者據宋閩中刊本分二十卷
與直齋書錄解題合卷十四

明刊本
卷七

州郡方域門

明刊本
門作部

驛下校補敕書樓鼓角樓酒務遞鋪四事計二百餘字每

卷俱有毛褒印記或卽褒手校歟

閻敬序 正統十二年

李果序 成化八年

實賓錄十四卷

文淵閣傳抄本

宋馬永易撰

班左誦彙三卷

抄本

左通奉大夫徵獻閣待制除提舉萬壽觀寶錄院修撰
程俱撰 直齋書錄解題著錄後有紹興三十一年五月
日南劍州雕匠葉昌等鏤板一條

中古以還叙事之文唯左丘明春秋傳太史公記班固漢
書最爲近古班左得善注故訓詁益明世之人發言下筆

終日出其中乃或不知其所謂

如館藏故復透明博蓋

又

若字畫不異而音釋頓殊

如三百之百音附豆臚之區
音願者授宿朱捷吉臺

苟

爲道聽意讀其不遺笑於人者幾希余於讀書幼而貪故

界中而鈍不得不致詳也詳研孰復乃始懼焉加以獨孤

憂憇之餘召醫病忘間取書至誦閱數紙過反茫然不知

爲何書比觀二書隨筆之紙既又觀古人用意雖常言細

事皆叙載不繁自然爾雅

如以孫入母西兵宋百年夷陵
字立政日少八米并可以沐髮

者爲潘汰巨指之爲將指馬與夫古言異字名物制數之

偏之爲處置孫易之爲彌易

如無不祚大焉魯斂之
古言如無不祚大焉魯斂之

微獵取殆盡又以公穀附焉

以異字如萬藏廩庫忽明舉
制數如六畜五牲且叙其端而藏於家

善畜辟氏首名

後漢入鄒亭皮董幕制之類

名之曰班左誨蒙以謂成學之士當易而哂之譽觸之童

將以一二誣之則或有取焉耳政和三年癸巳六月信安
程俱致道叙

帝王經世圖譜十六卷

文淵閣傳抄本

宋唐仲友撰

漢司馬談父子貫穿經傳驥騁古今謂當時六藝已千萬
數故有儒者博而寡要勞而少功之言唐韓愈文不絕吟
編不停拔然亦記事提其要纂言鉤其深矧去古逾遠家
說日繁才學未逮于前賢宜其用力勞而見功微此圖譜
所繇作也雖然分門類事者固多其能旁搜遠紹合異爲
同則鮮矣金華唐仲友字與政子晝無不觀于理無不究
凡天文地志禮樂刑政陰陽度數兵農王霸皆本之經典

兼采傳注類聚翼分旁通午貫使事時相參形聲相配或
推消長之象或列休咎之證而于郊廟學校畿疆井野尤
致詳焉各爲總說附其後始終條理如指諸掌每一篇成
門人金式輒繕寫藏棄積百二十有二篇又得與政猶子
別本相與校讎釐爲十卷以類相從會分教廬陵將鑄版
校官而郡守趙侯善鍊助成之屬予題辭夫水之流東惟
海是歸車之指南其塗不迷今是書折衷于聖人示適治
之路故名曰帝王經世圖譜非其他類書比也昔漢儒專
通一經仍守師說居家用以修身蒞官取以決事况乎六
經旨趣百世軌範皆聚于此學者能因之廣記備言精思
博考守以卓約則他日見諸行事豈不要而有功也歟與

政名臣子少登兩科歷秘書省正字著作佐郎出知信台
二州擢江西提點刑獄孝宗深奇其才不幸得年僅五十
三凡所蘊蓄百未究一予每與士大夫共惜之因序其著
併告來者嘉泰元年七月庚戌前進士周必大書

新刻歷代制度詳說十二卷

舊抄本

東萊先生呂祖謙伯恭編撰 板心有怡頤堂鈔書五

字

彭飛刊板序 泰定二年 蘭開

新刻決科古今源流至論前集十卷後集十卷續集十卷別集

十卷

元夏花印本

閩川林朝德頌撰別集前進士三山黃履翁吉父編

前集目錄後有延祐丁巳孟冬沙書院刊行木記

財貨而費於源流之知德義而取夫源流之喻治不結繩文以生三代而來至于我三千餘年帝

作典章文

未源流

貨德義而已

儒家者流以多聞爲貴以博聞爲高塞會滿腹湧洞聲昧而無條貫或舉其中而不知其本或原其始而不要其終高談有餘待問不足三山先生林君德頤雅有遠度志在那典博古通今出於生知平居私淑嘗取夫治體之大者約百餘目參古今之宜窮始終之要問而辨之端如貫珠舉而行之著如中鵠嘻有大學問而後有大議論先生以

其淹貫之學發而爲經濟之文是非品藻確乎其當昔漢武帝之策仲舒欲叩大道至論先生之論其至論也歟故名之曰古今源流至論以廣其傳焉時嘉熙丁酉三山前進士黃履翁吉父書

別集序曰昌黎外藁後來所次坡老數論又文集之續者至論之作豈能無遺論耶予擢第西歸又有逐海濱之臭者而求續作伎癢未歇不免復爲之索草噫斯集果盛博於世耶予不敢苟幅時中說以蓋人之名果未足重於世耶又安敢爲魏泰碧雲相樣惡於人哉故特於篇首言之以自見云癸巳書雲之旦合沙西峯主人黃履翁吉父序

閩川林馴德頌撰

取宋十一宗事迹區別事類

分門編纂曰君德曰君政曰官制曰貢舉曰科目曰用人
曰臣道曰儒學曰兵制曰賦役曰財用曰荒政曰時弊凡
十三門每門又各分類每類爲一篇馴自爲之注盛德豐
功宏綱細目蓋詳哉乎其言之雖易休滛烈未免有意鋪
張而一朝政治條分縷析多可與史傳相參是固考宋事
者所不廢也其所引書如實訓實錄國朝會要續會要三
朝政要呂源政要增釋高宗聖政九朝通考蔡龍圖官制
官制舊典職源職畧歷代纂議丁未錄等書今皆久佚尤
足以資參考是書詣家書目俱未著錄此本尚是明人舊
抄總目後有是書鼎新編述與蹈襲塵言者不侔取青之

士幸詳鑒三行當是從元刊本影寫者

語人以漢唐聽之者觸屏語人以三國聽之者噴案語人
以六朝五代有扼腕不己者姑舍是語之以國朝盛事則
舞焉躍焉訴訴焉歛襟肅容之不暇嘻帝王之豐功盛德
其感寤人意如此哉余濯纓龍谿日與其徒談前代事有
掘而遇者曰史漢而下飲闌之矣盍觀諸國朝余曰談何
容易語應典故吾不如趙康靖區別事類吾不如富韓公
談何容易也又思之曰聖謨洋洋嘉言孔彰在人耳目萬
物也誦詠吾職吾不可以已於是會粹所藏日得一二事
積之以月巨帙成焉有好事者揭而名之曰皇鑑嘻揚鴻
休播芳烈汪汪乎不天之大律鋪張揚厲余有志焉而未

能也姑誦所聞以俟君子嘉定丙子孟夏閩川林馴德頌序

玉海二百卷附辭學指南四卷

元刊本

宋浚儀王應麟伯厚甫撰 目錄後列慶元路儒學刊造

玉海書籍提調等官銜名

胡助序

至元四年

阿殷圖序

至正十一年

王介序

至正辛卯

李桓序

至元六年

浙東道宣慰使司都元帥府牒

至元二年

重刊增廣分門類林雜說十五卷

舊抄本

吳方山藏書

金平陽王朋壽編

分一百門

始孝行終禽獸蟲魚每門

各繫以贊其自序曰傳記百家之學散漫不倫難於統紀

前賢有區別而爲書號曰類林者其來尚矣惜次第失序

門類不備予因暇日輒爲增廣較之舊書多至三倍云云

案新唐書藝文志有於立政類林十卷崇文總目同中興

書目云唐於立政類林十卷分五十分記古人事迹

見玉海

則朋壽此書或因於氏原本增廣歟宜其徵引古籍多有他書所未載者不僅如讀書敏求記所舉眉間尺一事也

原書十卷今本十五卷序云多至三倍者蓋言三分之中多一分耳述古堂書目云王朋壽增補陽休之類林十五

卷案北齊書陽休之傳云休之著文集三十卷又撰幽州

人物志並行于世未載其著有類林隋志新舊唐書志亦
無無陽休之類林惟新唐書志小說類有裴子野類林三
卷遼王或誤記歟是書文淵閣書目著錄近則久無傳本
此本係吾郡吳方山舊藏尙是明初人鈔本中遇堯字唐宗
詳皆缺筆陳君子準藏有金刊本明秀集注堯字亦皆缺
筆版式亦畧相似則此本殆從大定刊本影寫歟

傳記百家之學率皆有補於時然多散漫不倫難於統紀
故前賢有區別而爲書號曰類林者其來尙矣惜乎次第
失序門類不備予因暇日輒爲增廣第其次序將舊篇章
之中添入事實者加倍又復增益至一百門逐篇係之以
贊爲十五卷較之舊書多至三倍若夫人君之聖智聰明

臣子之忠貞節義父子兄弟之孝慈友愛將相之權謀大
體卿士之廉潔果斷隱遁之潛德幽光文章之麗藻清晰
風俗之好尚陰德之報應酒醴之耽沈恩怨之報施形貌
之長短容貌之美惡男子之任俠剛方婦人之妍醜賢愚
神仙之清修鬼神之情狀宮室之華靡屋宇之卑崇天地
之運移日星之行度山海之靈潤醫筮之精專草木之奇
秀金玉之純良蜜夷之頑獘禽魚之巨細凡六合之內所
有無不槩舉雖不敢謂之知所未知亦可謂之具體而微
矣其於善者不敢加於褒飾惡者不敢遂有貶斥姑齊其
本所出處芟其繁節其要而已覽者味其雅正則可以爲
法視其悖戾則可以爲戒豈止資談柄而託多聞不爲無

可取也鄉人李子文一見曰專門之學不可旁及至如此書無施不可好學通變之士之所願見我爲君刊鏤以廣其傳如何予謹應之日諾於是舉以畀之併爲之序皆大定己酉歲夏晦平陽王朋齋書老序

新編古今姓氏遙華韻九十六卷

抄本
馬

從天一閣舊抄本

臨川布衣洪景修進可編是書以姓繫韻凡甲集十卷乙集十卷丙集十一卷丁集十卷戊集十一卷己集八卷庚集十卷辛集十卷壬集八卷癸集十卷共一千一百八十九姓忠臣孝子義夫烈女相業將畧家法官歲有益民彝社教者必加詳錄其名賢詩文及風流逸事可資談助者亦間及焉戊集王姓末附載董更生王烈女傳一篇

備錄全文與全書體例不符是蓋褒揚忠烈俾後世知宋
社淪亡抗節捐生者自文文山謝瑩山諸人外宮禁中尚
有一王烈女其人也而賣國降臣如傅中所列張晏然陳
奕蓮文虎輩讀書亦可少愧矣是殆洪君微意所在故特
表出之洪君自題臨川布衣意者入元不仕以勝國遺民
終歟其所引元和姓纂多有出今本外者是亦足資參考
也文淵閣書目著錄

譜系之學古有專門其書浩如煙海其言雜如軍市至唐
文帝始刪茹繁置勒成族志不幸火於邪辭別加紀錄世
不尊信譜學遂荒漠君進可以韻纂姓以姓萃事誠否小
大悉所不捐雖有祖述然亦勤且勞矣又却縮衣食錢版

布行其博文之心亦可謂篤矣。視終日據案呻其佔畢而
殊無一字可對人言者亦有逕庭哉？惜余膠昏旦復病暑
未能考其著書之旨立言之。凡而徒志其大息起敬於篇
端而已。至大三年歲在庚戌立秋後一日庚辰程鉅夫書
達觀洪先生至元壬午處吾齋三年觀受之際見其蟲錢
蠶績之書而幼不識何書也。至大戊申先生又處吾齋昔
年書者堆案沓几祝之則姓韻成書矣。惟我與爾其論衡
不可。請刊以博廣聞與集工嗟夫先生于是書精神寄於
歲月之茫茫姓氏承於古今之落落豈流洋自恣以適己
將與千金懸之咸陽市門求一字增損主衣妍籍湜敢去
予是以述此書之本末非跋非序至大元年三月三日門

人安性仁題

有達尊大雅問僕曰姓氏有初乎曰有姓氏源三皇派春秋濁於河南官氏志黃帝二十五子得姓十四春秋國百二十四爵姓具者四十有七爵姓俱亡者三十有三有爵無姓十有七有姓無爵十有八富辰曰管蔡臯霍魯衛毛聃鄧雍曹滕畢源鄧郇文之昭也刑晉麻韓武之穆也凡蔣邢茅胙祭周公之允也或地或官或王父字謹若柳下展氏南宮司馬齊三桓鄭七穆是也魏以拓跋爲長孫耶穆陵爲穆獨孤爲劉弗忸干爲干河南官氏志八姓勲族四姓衣冠列爲著姓梁元時魏九十九姓復如舊於是古今姓氏濁甚王通謂任薛王劉崔盧之婚非古也

何以視諸唐太宗命高士廉岑文志氏族二百九十三姓
首崇室次外戚襄忠良貶姦逆至韋述撰開元譜柳冲撰
氏族系錄宋洪忠宣公撰姓氏指南今就從而見之僕生
晚學腐自咸淳戊辰數半餘力隨見輒筆積歲月得姓九
百有奇抄爲姓氏遙華韻參章定類藁千一百八十九姓
無其人者不信不徵鄭夾深姓氏畧大簡無偷僕起敬忠
臣孝子義夫烈女英雄蒙傑師友淵源家法官儀相業將
畧有益民獎世教必加詳錄其有風流談譜亦可助談資
笑閒卷思齊自省千載對面又思死節名臣尚宜表章以
廣唐人褒忠盛心第慙讀書不多謬舛曷正惟冀達尊大
雅特賜砭愚至大元年歲在戊申南呂月吉臨川布衣洪

景修進可拜手稽首謹志

漢唐事箋對策機要十二卷後集八卷

元至正刊本

■進士莊黎朱禮德纂著 是書取漢唐事實有關治體者分門編載隨事箋釋前專集論漢事後集專論唐事體例與源流至論同敘述詳明議論精核蓋將陳往古之道爲當時之法戒不僅供場屋採掇之用也文淵閣書目季滄葦書目俱著錄目錄後有至正丙戌日新堂叢木記漢唐事要吾友朱君所作也凡其沿革廢置損益更張織息節目有關於治體者罔不領舉而綱提并包而囊括週流尋源隨事笺注悉有據依一覽之餘了然在目噫是書之作豈但塙屋計哉學優而仕輔世長民之道 不是

有志於斯世者苟能鑒漢唐之迹而隆萬世之規庶乎此
皆之得不爲紙上語耳此吾友以私淑人者也不敢輕移
用鋟之末以廣其傳云時至正元年孟秋之月前進士盱
江南翁謝升菴子彌父序

愛日精廬藏書卷二十六終

愛日精廬藏書志卷二十七

子部

小說類

西京雜記二卷

明洪字本

丹陽葛洪字稚川集

北夢瑣言二十卷

精抄本

富春孫光憲纂集

目序

此夢瑣言二十卷富春孫光憲纂集唐末後梁後唐石晉時事此書乃武林忻悅學家歲陝刊舊本介歸成芥庵夏隱君中間刊誤舛訛如日曰纂基歎歎雖難關闕福福等

字可以意改餘不敢強以俟別本訂之至正二十四年歲次甲辰五月七日寫起至二十七日庚寅續卷華亭在家道人孫道明識于潤北村居映雪齋時年六十又八也連日晦雨時雨西南二鄉皆成巨浸豐年未卜今日喜晴聊書記耳

東齋雜事五卷補遺一卷

文淵閣傳抄本

宋范鎮撰

自序曰予嘗與修唐史見唐之士人著書以述當時之事後數百年有可考正者甚多而近代以來蓋希矣惟楊文公談苑歐陽永叔歸田錄然各記所聞而尚有漏畧者予既諱事目於所居之東齋燕坐暇多追憶館閣中及在侍

從時交游語言與夫里俗傳說因纂集之目爲東齊記事
其蜀之人士與其風物爲最詳者亦耳目之熟也至若鬼
神夢卜率收錄而不遺之者蓋取其有戒于人耳

青箱雜記十卷

舊抄本

宋朝散郎知漢陽軍吳處厚撰

自序曰前世小說有北夢瑣言酉陽雜俎玉堂閒話戎幕
閒談其類甚多近代復有閑苑閒錄歸田錄皆采據一時
之事要以廣記資講話而已余自筮仕未嘗廢書又喜訪
問故間見不覺滋多況復遇事裁量動成品藻亦輒紀錄
以爲警勸而所紀皆叢脞不次題曰青箱雜記凡一十卷

元祐二年春正月甲寅日謹序

丞相魏公譚訓十卷

抄本 行子譜並藏書抄本傳錄

長孫左朝請大夫蘇象先編 述其祖魏公頌遺訓分

二十六類凡三百餘事

象先自少不離祖父之側元祐丙寅祖父爲天官尙書居西閣楊崇訓之故第祖父以南軒爲書室列大案列書史於前又置小案於椅間俾象先侍坐每至夜分退而記平日教誨之言作談記百餘事後三年祖父執政無復曩時閒暇又十有二年捐館於潤又十有九年象先在鎮江卧病閱五年當靖康元年偶記舊稿而散失脫落尙多遺逸因廣而續之凡三百餘篇分爲十卷以見一日未常忘祖父而諱諱之誨不可無傳也

蘇魏公譜訓十卷公之意第欲示訓子孫不祈於傳也泌既得之於公之曾孫無爲判官渾因刻之郡府紹熙癸丑孟夏八月濟南周泌

直齊書錄解題曰蘇氏譜訓十卷朝請大夫蘇象先撰述其祖魏公頌子容遺訓

續世說十二卷抄本 徒照隱閣藏本傳錄

國朝孔平仲字毅甫撰 是書取宋齊梁陳隋唐歷代事迹依劉義慶世說之目而分隸之爲書十二卷後有元州公使庫總計紙板數目并印造紙墨標稍工食錢數目後又有右廸功郎司法兼監使庫翁灌等五人銜名皆沅州官也王士禎居易錄曾載是書云已失傳近代儲藏家

亦罕有著錄者此本照曠叔父介何君夢華從宋刊本影寫金吾從之傳錄者

史書之傳信矣然浩博而難觀諸子百家之小說誠可悅目往往或失之誣要而不慎信而可考其世說之謬歟舊本分纂前言以爲要覽器而未備爰有博雅君子徵而增廣之此賴世說之所以作也學士孔若毅甫平仲夔括諸史錄引羣裏疏剔繁辭揆叙名理釐爲十二卷可謂發史氏之英華使學者之輯覽豈曰小補之哉惜其書成未及刊行轉相傳寫不無烏焉成馬之弊今茲善本從義郎李君敏得之於前靖守王君長孺相與鏤板而載焉王親授於孔知其不誤李今爲沅人徒有其本而所傳蓋未廣也

紹興丁丑春雒陽王公無染撫守沅之明年郡學鼎新人
材益進嘗顧謂僚佐曰沅爲郡僻遠史書尤不易備會史
之要莫善於世說續說又盡善也俄李氏以其書板來售
卽加是正復命鋟刻以補其不足將俾人得其傳其利溥
哉此書載言行美惡區以別之學者博古考類擇善而從
去古人何必有間不但資談說而已然後知公措意豈苟
然哉後之爲政者能謹其藏勿斬其傳是亦公之用心也

三月初一日長沙秦果序

直齋書錄解題曰續世說十二卷孔平仲毅父撰編宋至
五代事以續劉義慶之書

續墨客揮犀十卷

舊抄本

葉石君藏書

彭乘撰 直齋書錄解題云墨客揮犀十卷續十卷不知名氏述古堂書目云彭乘續墨客揮犀十卷伏讀

欽定四庫全書總目云墨客揮犀商濬刻入裨海題彭乘姓名蓋以書中自稱名爲據而止有十卷則已佚其續集矣北

本係明人舊抄亦希觀之書也後有題識云正德己巳歲

夏日舊刻本摹于志雅齋

附潛志十四卷舊抄本

劉祁撰

自序

趙穆跋至大辛亥

靜齋至正直記四卷

舊抄本

元闕里外史行素居士孔齊著

雜記者記其事也凡所見聞可以感發人心者或里巷方言可爲後世之戒者一事一物可爲博聞多識之助者隨所記而筆之以備觀省未暇定爲次第也至正庚子春三月壬寅記

右雜事

舊抄本

穆天子傳六卷

晉郭璞注 前有荀勗序序首有結銜五行云侍中中書監光祿大夫濟北侯臣勗一領中書令議郎上蔡伯臣嶠言部二祕書主書令史謹三給三行祕書校書中郎張宙四郎中傳五校古文穆天子傳己訖謹並第錄五行世行本無

此五行案史記索隱引穆天子傳目錄云傳贊爲校書郎
與荀勗同校定穆天子傳蓋卽指此板心有元覽中區四
字蓋秦西服藏本也

荀勗序

唐闕史二卷

茶夢主人手抄本

唐參寥子高彥休撰 卷首有她舜咨印記

自序

政和三年秋於東都清平坊傳此書叙云甲辰歲編次蓋
唐僖宗中和四年也其間有己書信號者或後人追改之
彥休叙事頗可觀但過爲縹飾殊有銑鎔虬戶體此其贊
云次年三月七日再閱一過黃長睿父書

此史載必朝廟典故職員政績雜濫及閭閻亦闢風化參
寥子名曰闢史而事涉瑣細非筆載之急史云乎哉然數
叙條暢詞句溫雅唐家小說自別有一種風趣參寥子唐
高彥休乾符中人姑蘇吳岫

右異聞

酉陽雜俎二十卷

元刊本

周易通義成式撰

自序

古杭雜記詩詞集四卷

精抄本

李有撰 目錄後有識語云己上係宋朝遺事一新續
梓求到續集陸續出售與好事君子共之

右項記

愛日精廬藏書志卷二十七終